

太上玄門早課

清壇

琳琅振響 十方肅清 河海靜默 山嶽含煙  
萬靈鎮伏 招集群仙 天無氛穢 地無妖塵  
冥慧洞清 大量玄玄

太上皈命禮常清常靜大天尊（三稱）

靜心

真心清靜道為宗 譬彼中天寶月同  
淨掃迷雲無點翳 一輪光滿太虛空  
上藥身中神氣精 人人具足匪虧盈

能知混合回風道 金鼎黃芽日日生

提綱

一炷真香本自然 黃庭爐內起祥煙  
空中結就浮雲篆 齊樂長生萬萬年

太上皈命禮玄都萬壽大天尊（三稱）

提綱

群仙朝上帝 元始降洪恩  
大眾登寶殿齊慶祝 諷誦太上經

淨心神咒

太上台星 應變無停 驅邪縛魅 保命護身

智慧明淨 心神安寧 三魂永久 魄無喪傾

### 淨口神咒

丹朱口神 吐穢除氛 舌神正倫 通命養神  
羅千齒神 卻邪衛真 喉神虎賁 氣神引精  
心神丹元 令我通真 思神鍊液 道炁常存

### 淨身神咒

靈寶天尊 安慰身形 弟子魂魄 五臟玄冥  
青龍白虎 隊仗紛紜 朱雀玄武 侍衛我真

### 安土地神咒

元始安鎮 普告萬靈 嶽瀆真官 土地祗靈

左社右稷 不得妄驚 回向正道 內外肅清  
各安方位 備守宮庭 太上有命 搜捕邪精  
護法神王 保衛誦經 皈依大道 元亨利貞

### 淨天地神咒

天地自然 穢氣分散 洞中玄虛 晃朗太元  
八方威神 使我自然 靈寶符命 普告九天  
乾羅答那 洞罡太玄 斬妖縛邪 度鬼萬千  
中山神咒 元始玉文 持誦一遍 卻病延年  
按行五嶽 八海知聞 魔王束首 侍衛我軒  
凶穢消散 道炁常存

祝香咒

道由心學 心假香傳 香爇玉爐 心存帝前  
真靈下盼 仙旆臨軒 弟子關告 逕達九天

金光神咒

天地玄宗 萬炁本根 廣修億劫 證帝神通  
三界內外 惟道獨尊 頂有金光 覆映帝身  
視之不見 聽之不聞 包羅天地 養育群生  
誦持萬遍 身有光明 三界侍衛 五帝司迎  
萬神朝禮 役使雷霆 鬼妖喪膽 精怪亡形  
內有霹靂 雷神隱名 洞慧交徹 五氣騰輝

金光速現 覆護真人

五星神咒

五星烈照 煥明五方 水星卻災 木德致昌  
熒惑消禍 太白辟兵 鎮星四據 家國利亨  
名刊玉簡 字錄帝房 乘飈散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁

開經玄蘊咒

雲篆太虛 浩劫之初 乍遐乍邇 或沉或浮  
五方徘徊 一丈之餘 天真皇人 按筆乃書

以演洞章 次書靈符 元始下降 真文誕敷  
昭昭其有 冥冥其無 沉疴能自痊 塵勞溺  
可扶 幽冥將有賴 由是昇仙都

太上老君說常清靜經

老君曰。大道無形。生育天地。大道無情。  
運行日月。大道無名。長養萬物。吾不知  
其名。強名曰道。夫道者。有清有濁。有  
動有靜。天清地濁。天動地靜。男清女濁  
。男動女靜。降本流末。而生萬物。清者  
濁之源。動者靜之基。人能常清靜。天地  
悉皆歸。夫人神好清。而心擾之。人心好  
靜。而慾牽之。常能遣其慾。而心自靜。  
澄其心。而神自清。自然六慾不生。三毒  
消滅。所以不能者。為心未澄。慾未遣也  
。能遣之者。內觀其心。心無其心。外觀  
其形。形無其形。遠觀其物。物無其物。  
三者既悟。唯見於空。觀空亦空。空無所  
空。所空既無。無無亦無。無無既無。湛  
然常寂。寂無所寂。慾豈能生。慾既不生  
。即是真靜。真常應物。真常得性。常應

常靜。常清靜矣。如此清靜。漸入真道。既入真道。名為得道。雖名得道。實無所得。為化眾生。名為得道。能悟之者。可傳聖道。

走君曰。上士無爭。下士好爭。上德不德。下德執德。執著之者。不明道德。眾生所以不得真道者。為有妄心。既有妄心。即驚其神。既驚其神。即著萬物。既著萬物。即生貪求。既生貪求。即是煩惱。煩惱妄想。憂苦身心。便遭濁辱。流浪生死。

常沉苦海。永失真道。真常之道。悟者自得。得悟道者。常清靜矣。

太上走君說常清靜經竟

太上洞玄靈寶昇玄消災護命妙經  
稽首歸依眾妙道 至心恭敬二玄真  
今運一心心所議 粗識此經經所因  
空色空空無有性 有無無有色空均  
慧風出自天尊力 掃除心界不遺塵  
唯願神光常擁護 證明今日守心人  
今日守心何所證 不失凡身得道身

爾時。

元始天尊。在七寶林中。五明宮內。與無極聖眾。俱放無極光明。照無極世界。觀無極眾生。受無極苦惱。宛轉世間。輪迴生死。漂浪愛河。流吹慾海。沉滯聲色。迷惑有無。無空有空。無色有色。無無有無。有有無有。終始暗昧。不能自明。畢竟迷惑。

天尊告曰。汝等眾生。從不有中。有不無中。無。不色中色。不空中空。非有為有。非無為無。非色為色。非空為空。空即是空。空無定空。色即是色。色無定色。即色是空。即空是色。若能知空不空。知色不色。名為照了。始達妙音。識無空法。洞觀無礙。入眾妙門。自然解悟。離諸疑網。不著空見。清淨六根。斷諸邪障。我即為汝說是妙經。名曰護命。濟度眾生。傳教世間。流通讀誦。即有飛天神王。破邪金剛。護法靈童。救苦真人。金睛猛獸。各百億萬眾。俱侍衛是經。隨所供養。捍

厄扶衰。度一切眾生。離諸染著。爾時。  
天尊即說偈曰

視不見我 聽不得聞  
離種種邊 名為妙道

太上靈寶天尊說禳災度厄真經

爾時。

天尊。在禪黎國土。與大道真仙。萬萬大千  
神。諸天尊。及諸天龍鬼神。盡來集會。  
受吾約束。世間若有善男子。善女人。或  
有年災月厄。遊城赤鼠之厄。天羅地網之

厄。命窮算盡之厄。疾病纏綿之厄。落水  
波濤之厄。虎狼虻蛇之厄。水火盜賊刀兵  
生產之厄。山林樹木社稷之厄。土石橋梁  
之厄。毒藥咒詛之厄。惟願今對

玉皇天尊。大道真聖。懺悔解禳。度脫身中  
災厄。一一解散。勿為留難。敕諸天神王  
。並降聖力。道力。承斯經力。恩力。衛  
護弟子。受持念誦此經。已後解禳陽九百  
六之災。三衰八難九橫五苦之厄。如求如  
願。所履平安。出入行藏。所求利益。所

願遂心。於是眾等。聞說此經。皆大歡喜。  
。信受奉行。

太上靈寶天尊說禳災度厄真經竟

高上玉皇心印妙經

上藥三品。神與氣精。恍恍惚惚。杳杳冥冥。  
。存無守有。頃刻而成。迴風混合。百日功靈。  
。默朝上帝。一紀飛昇。知者易悟。昧者難行。  
。履踐天光。呼吸育清。出玄入牝。若亡若存。  
。綿綿不絕。固蒂深根。人各有精。精合其神。  
。神合其氣。氣合其

真。不得其真。皆是強名。神能入石。神能飛形。  
。入水不溺。入火不焚。神依形生。精依氣盈。  
。不凋不殘。松柏青青。三品一理。妙不可聽。  
。其聚則有。其散則零。七竅相通。竅竅光明。  
。聖日聖月。照耀金庭。一得永得。自然身輕。  
。太和充溢。骨化寒瓊。得丹則靈。不得則傾。  
。丹在身中。非白非青。誦之萬遍。妙理自明。  
。虔誠修持。即刻飛昇。

高上玉皇心印妙經竟



玉清寶誥 志心皈命禮

三界之上。梵炁彌羅。上極無上。天中之天。  
鬱羅蕭臺。玉山上京。渺渺金闕。森  
羅淨泓。玄元始炁。混沌之先。寶珠之中。  
。玄之又玄。開明三景。化生諸天。億萬  
天真。無鞅數眾。旋斗歷箕。回度五常。  
巍巍大範。萬道之宗。大羅玉清。虛無自  
然。大悲大願。大聖大慈。

至真妙道元始大天尊

上清寶誥 志心皈命禮

居上清境。號靈寶君。祖劫化生。九萬九千  
餘梵炁。赤書煥發。六百六十八真文。因  
混沌赤文而開九霄。紀元洞玉曆而分五劫  
。天經地緯。巍乎造化之宗。樞陰機陽。  
卓爾雷霆之祖。大悲大願。大聖大慈。

玉宸道君靈寶大天尊

太清寶誥 志心皈命禮

隨方設教。歷劫度人。為皇者師。帝者師。  
王者師。假名易號。立天之道。地之道。  
人之道。隱聖顯凡。總千二百之官君。包

萬億重之梵炁。化行今古。著道德凡五千言。主握陰陽。命雷霆用九五數。大悲大願。大聖大慈。

太上老君道德大天尊

玉帝寶誥 志心皈命禮。

太上彌羅無上天。妙有玄真境。渺渺紫金闕。  
。太微玉清宮。無極無上聖。廊落法光明。  
。寂寂浩無宗。玄範總十方。湛寂真常道。  
。恢漠大神通。

玉皇大天尊玄穹高上帝

三官寶誥 志心皈命禮

唯三聖人。乃一太極。普受浩劫家之命。鼎膺無量品之褒。紫微清虛洞陰。總領功過。  
。賜福赦罪解厄。普濟存亡。道冠諸天。  
。恩覃三界。大悲大願。大聖大慈。

天地水府三元三品三官大帝三宮九府應感天尊

老五祖誥 志心皈命禮

大道開先。玄元闡化。教垂今古。諡號東華。  
。接漢室之將軍。隱終南而仙契。過化每

超於劫運。示現常在於塵寰。啟唐朝之英  
賢。悟神仙之秘訣。飛劍貨藥。警化無方  
。金廷丞相之高標。寶印力辭之勇訣。霞  
裾上陟。南北統宗。天復挺於人豪。道遍  
通於四海。發金蓮之七朵。演仙派於十方  
。長生理被於古今。玄妙天垂於率土。恢  
弘至道。廣度愚迷。慈悲濟苦。全真祖師  
東華紫府輔元立極大道帝君  
正陽開悟傳道垂教帝君  
純陽演正警化孚佑帝君

海蟾明悟弘道純佑帝君  
重陽全真開化輔極帝君  
五祖闡道天尊

五祖寶誥 志心皈命禮

明真正道。行化南天。九皇降跡於天台。一  
脈濬通於劉祖。採瓊花之仙異。著悟道之  
丹書。道付杏林。不日還元之編集。法通  
雞足。俞琰丹體之書成。真人挺出惠州。  
信地悟超神竣。刀圭入口。神化無方。施  
雷雨於掌中。甦生民於世外。德彰南海。

獲瓊玉之英標。道遍遐荒。飶法言之靈妙。  
。龍虎羅浮之跡。武夷玉隆之書。過化多  
方。真文備著。為神仙之首冠。集前代之  
範模。誓願弘深。慈悲仁聖祖師

悟真紫陽張真人  
杏林翠玄石真人  
道光紫賢薛真人  
泥丸翠虛陳真人  
瓊瑄紫清白真人  
五祖闡道天尊

### 七真寶誥 志心皈命禮

道先一炁。世顯七真。悟五行不到之言。得  
九轉還丹之訣。甘泉潤物。變朽回春。金  
骨仙姿。得四言而契道。衛州變化。坐十  
載以成真。壁間墨跡之非凡。雪竹月松之  
姿異。三井有多生之記。一時著顯化之功。  
磻溪六年。龍門七載。道功備而名聞時主。  
丹符錫而掌握神仙。石上談玄。空中飛蓋。  
元主屢宣而問道。甘霖刻日以濟民。早窮  
易道之言。晚造神仙之訣。卦圖斯演。至

道大成。清靜散人。探玄得道。蓬萊仙路。  
。億劫獨持。慈悲救苦。全真祖師

丹陽抱一無為普化馬真君  
長真凝神玄靜蘊德譚真君  
長生輔化宗玄明德劉真君  
長春全德神化明應邱真君  
玉陽體玄廣慈普度王真君  
太古廣寧通玄妙極郝真君  
清靜淵真玄虛順化孫元君  
七真演化天尊

總師寶誥 志心皈命禮

宗壇立極。道統心傳。清微靈寶及先天。道  
德混元兼正乙。真風動蕩。飛身鞭駕於雷  
霆。慧日常明。顧盼提攜於日月。□□流  
傳無上道。堂堂高振大宗風。說法度人。  
下作十方之教主。代天宣化。廣開四海之  
宗門。普濟群生。咸依正道。大悲大願。  
大聖大慈。玄堂啟教

傳道諸大宗師流演萬法天尊

宣聖號

稽首皈依天中尊 妙相光明如月輪  
歷觀諸天持世界 普施法力濟群生  
蠢動含靈咸得度 四生六道盡沾恩  
我今稽首皈命禮 志心稱念玉皇尊

玉皇赦罪天尊

雷聲普化天尊

金闕化身天尊

降魔護道天尊（各三稱三拜）

斷障文

仰啟

三清上聖。玉帝至尊。道光會中。一切真仙。  
。念我弟子眾等。伏聞障未斷。則蔽塞昏  
迷。礙一除。則通達明了。陰霾去而日復  
晴朗。浮雲散而天自光輝。倘未掃除。寧  
免固蔽。心未同於天日。障當去於雲霾。  
仰元聖之垂慈。宣斷障之妙法。俾諸塵之  
無起。庶真境之自明。奈何凡夫之愚迷。  
不能按法以修習。未免緣情而逐境。安能  
澄慮以凝神。容夫外邪。亂其至道。敗靈  
根而盜至寶。入俗網以墮凡流。萬魔來攻

。一真遂失。倘匪沐陶鎔之德。豈能成斷障之功。按妙典以懺除。求諸障之掃蕩。爰伸懇告。悉丐矜憐。伏願錫智慧劍以斷除。庶煩惱障之消滅。掃開浮翳。使慧日之光華。拂拭塵勞。俾心珠之瑩徹。凡身清淨。道果圓成。普同幽顯之兩途。俱識圓明之一性。永無輪轉。常獲逍遙。願我在會弟子。及大地群生。罪福之緣。可得明了。障礙之因。悉皆斷除。保命度災。延祥集福。在心之願得滿。修真之道可成。豈匪因緣。實為慶幸。尚賴始終之相佑。必令懇禱之昭通。無願不從。有求皆應。保天長存。而昌運再啟。致國太平。而凶寇自息。九幽破壞。長夜光明。五福斂錫。兆民歌唱。祖先昇度。眷屬壽康。等與群生。同登道岸。

### 祝聖文

伏以黃冠羽服。神居雲水之鄉。寶篆仙經。誠答乾坤之德。小心翼翼。大德昭昭。爐焚真香。致恭上啟。

三清道祖。十極高真。萬象森羅。二儀列宿。  
。諸天諸地。諸山諸水。億聖千真。群仙  
眾職。玄門啟教。演派師真。皇壇有禱。  
無鞅仙靈。是日朝元真宰。當令神員。城  
隍社令。管界正神。捧香散花。金童玉女  
。值壇功曹符使。傳誠引奏仙官。雲空過  
往。察訪神明。經壇主職。護法威靈。悉  
仗真香。普同供養。以今奏為

中國民國○省○縣市○○○弟子○○○等  
於○年○月○日○旦良辰。集眾清流。恭

趨寶殿。諷演仙經。持誦聖號。上願

道運昌盛。教務日興。四方清吉。天下太  
平。時和歲稔。五穀豐登。風調雨順。物  
阜民康。十方善信。福壽多增。老安少懷  
。災消福長。所求遂意。嗣息繁昌。光燭  
九幽。先亡受度。所求皆應。如是遂心。  
仍求在會弟子。修真有分。進道無魔。下  
祈億劫宗親。歷代師資父母。六道四生。  
蜎飛蠹動。惟願聞經聽法。離苦登真。各  
仗良因。均霑利益。再祈山家門鼎盛。香



火綿延。檀越皈依。道侶芬芳。二六時中。  
。常居清靜。一切之中。均祈默佑。再伸  
稱念

太平護國天尊

玄都萬壽天尊

常清常靜天尊。不可思議功德。

仰啟神威豁落將 都天糾察大靈官  
火車三五號雷公 受命三清降鬼崇  
手執金鞭巡世界 身披金甲顯威靈  
綠靴風帶護身形 雙目火睛耀天地

頃刻三天朝上帝 須臾九地救生靈  
銀牙鳳嘴將三千 虎首貔貅兵百萬  
走火行風前後衛 穿山破石捉邪精  
祈晴禱雨濟世界 附體圓光通事意  
治病回生如反掌 驅邪攝毒伏群魔  
飛騰雲霧變乾坤 號令雷霆轟霹靂  
三界大魔皆拱手 十方外道悉皈依  
我今啟請望來臨 大施雷威加擁護  
太乙雷聲應化天尊

（朔望聖節加入）

一者一道同風      二者二景齊明  
三者三農樂業      四者四序和平  
五者五祠鞏固      六者六合澄清  
七者七星臨照      八者八節安寧  
九者九泉開泰      十者十類生成  
十一者福留善信      十二者大道興行  
一切神光普照      一切眾生得所  
一切有情賴善      一切證果成真  
四生六道。一切含靈。聞經聽法。早得超昇。

向來禮念諸功德      全賴慈悲為主盟  
仰瞻仙仗隱空玄      法部真靈常擁護  
四恩三有。同歸大藏靈文。  
八難九幽。俱入元始淨海。願以此功德。  
莊嚴無極界。上報四重恩。下濟三塗苦。  
師資與父母。法界同宗親。現存增福壽。  
過去早超昇。現前清淨眾。各用皈命禮。

三寶讚      志心皈命禮

太上三寶。一切諸天。九十九億。九萬九千。  
十方國土。歷劫度人。清靜真一。不二。

法門。

本師先天教主十方常住道寶元始天尊  
本師玄中教主十方常住經寶靈寶天尊  
本師混元教主十方常住師寶道德天尊

土地咒

此間土地神之最靈 昇天道地 出幽入冥  
為吾懺悔 守護壇庭 有功之日 名書上清  
向來早堂 誦經功德 上奉高真 下保平安  
賜福消災 同賴善果 證無上道 一切信禮

志心稱念

常清常靜大天尊 不可思議功德

稽首皈依

無上道寶 當願眾生 常侍天尊 永脫沉淪

稽首皈依

無上經寶 當願眾生 生生世世 得聞正法

稽首皈依

無上師寶 當願眾生 學最上乘 不落邪見

稽首

聖眾

收經讚

誦經功德 不可思議 諸天諸地轉靈機  
國運壽夭齊 大道慈悲 萬化樂雍熙  
太上皈命禮三清道祖大天尊（三稱）

玄門早課竟